

西安曲江文化產業投資集團支持

四部文庫

文懷沙主編

隋唐文明卷



(二十四)

陝西震旦漢唐研究院編纂
陝西人民出版社

Z42
1
(4:24)

四部文

四

文懷沙主編

隋唐文明卷

二十四

陝西震旦漢唐研究院 編纂
陝西人民出版社

隋唐文明

第二十四卷目錄

新唐書匯證二

宋本新唐書二百二十五卷(二)(卷七六至一二五)

〔宋〕歐陽修 宋 祁撰

三

新唐書匯證

二



孫臏書

行父喪遂后无忌還外家后貴未嘗以為言擢位將軍後與李孝常等謀反將誅后叩頭曰安業罪死無赦然向遇妾不以慈戶知之今論如法人必謂妾擇憾於兄無乃為帝累乎遂得減流越雋太子承乾乳媼請增東宮什器后曰太子患無德與名器何請為從幸九成宮方屬疾會榮紹等急變聞帝甲而起后與疾以從官司諫止后曰上震驚焉吾可自安疾稍亟太子欲請大赦以度道人被塞災會后曰死生有命非人力所支若脩福可延吾不為惡使善無效我尚何求且赦令國大事佛老異方教耳皆上所不為宜以吾亂天下法太子不敢奏以告房玄齡玄齡以聞帝嗟美而羣臣請遂赦帝既許后固爭止及大漸與帝使時玄齡小謹就第后曰玄齡久事陛下預奇計秘謀非大故願勿置也妾家以恩澤進無德而祿易以取禍無屬樞柄以外戚奉朝請足矣妾生無益於時死不可以厚葬願因山為壙無起墳無用棺槨器以反木約費送終是妾不見忘也又請帝納忠容諫勿受讒省遊畋作役死無恨崩年三十六后嘗采古婦人事著女則十篇又為論斥漢之馬后不能檢抑外家使與政事力戒其車馬之侈此謂開本源恤末事常誠守者吾以自檢故書無條理勿令至尊見之及崩宮司以聞帝為之慟示近臣曰后此書可用垂後我豈不通天命而割情乎顧內失吾良佐哀不可已已諡曰文德恭皇后因九峻山以成后志帝自著表序始末揭陵左元中益諡文德聖皇后太宗賢妃徐惠湖州長城人生五月能言四歲通論語詩歲自曉屬文父孝德嘗試使擬離騷為小山篇曰仰幽巖而流盼撫桂枝以凝想將千齡兮此遇荃何為兮獨往孝德太驚知不可掩於是所論著遂盛傳太宗聞之召為才人手未嘗廢卷而辭致贈蔚又無淹恩帝益禮顧擢孝德水部員外郎惠再遷充宮員觀末數調兵討定四夷稍稍治宮至百姓勞怨惠上疏極諫且言東成遼海西討崑丘士馬罷耗漕餉漂沒捐有盡之農趨無窮之壑圖未獲之眾喪已成之軍故地廣者非常安之術也人勞者為易亂之符

也又言翠微玉華等宮雖因山藉水無築構之苦而工力和儉不謂無煩有道之君以逸逸人無道之君以樂樂身又言伎巧為喪國斧斤珠玉為蕩心酖毒侈麗纖美不可以不過志驕於業恭體逸於時安其剗切精詣大略如此帝善其言優賜之帝崩哀慕成疾不肯進藥曰帝遇我厚得先狗馬侍園寢吾志也復為詩連珠以見意永徽元年卒年二十四贈賢妃陪葬昭陵石室惠之弟齊明齊明子堅皆以學聞女弟為高宗婕妤好亦有文藻世以擬漢班氏高宗廢后王氏并州祁人魏尚書左僕射思政之孫從祖母同安長公主以后婉淑白太宗以為晉王妃王居東宮妃亦進冊擢父仁祐陳州刺史帝即位立為皇后仁祐以特進封魏國公母柳本國夫人仁祐卒贈司空初蕭良娣有寵而武才人貞觀末以先帝宮人召為昭儀俄與后良娣爭寵更相毀短而昭儀詭險即誣后與母挾媚道盡上帝信之解魏國夫人門籍罷后舅柳奭中書令李義府等陰佐昭儀以偏言怒帝遂下詔廢后良娣皆為庶人囚官中后母兄良娣宗族悉流嶺南許敬宗又奏仁祐無他功以宮掖故超列三事今庶人謀亂宗社罪宜夷宗仁祐應斷棺陛下不窮其誅家止沐寬仁祐不宜引庭廡宥逆子孫有詔蓋奪仁祐官爵而后及良娣俄為武后所殺改后姓為蟒良娣為巢初帝念后間行至囚所見門禁錮嚴進飲食實中惻然愍之呼曰皇后良娣無恙乎今安在二人同辭曰妾等以罪棄為婢安得尊稱耶流淚嗚咽又曰陛下幸念疇日使妾死更生復見日月乞署此為回心院帝曰朕即有處置武后知之促詔杖二人百剔其手足反接投釀舊中曰令二姬骨醉數日死殊其尸初詔旨到后拜曰陛下萬年昭儀承恩死吾分也至良娣罵曰武氏狐媚讎覆至此我後為猫使武氏為鼠吾當扼其喉以報后聞詔六宮母畜猫武后頻見二人被髮纏血為屬惡之以巫祝解謝即徙蓬萊宮屬復見故多駐東都中宗即位皆復其姓高宗則天順聖皇后武氏并州文水人父士護見外戚傳文德皇

后崩久之太宗聞士護女美召為才人方十四母楊慟泣與訣后獨自如曰見天子庸知非福何兒女悲乎母聽其意止泣既見帝賜號武媚及帝崩與嬪御皆為比丘尼高宗為太子時入侍悅之王皇后久無子蕭淑妃方幸后陰不悅它日帝過佛廬才人見且泣帝感動后廉知狀引內後宮以撓妃寵才人有權數詭變不窮始下辭降體事后后喜數譽於帝故進為昭儀一旦顧幸在蕭右寢與后不協后性簡重不曲事上下而母柳見內人尚宮無浮禮故昭儀伺后所薄必款結之得賜子盡以分遺由是后及妃所為必得得輒以聞然未有以中也昭儀生女后就顧弄去昭儀潛斃兒衾下伺帝至陽為歡言發衾視兒死矣又譙問左右皆曰后適來昭儀即悲涕帝不能察怒曰后殺吾女往與妃相讒媚今又爾邪由是昭儀得入其苦后無以自解而帝愈信愛始有廢后意久之欲進號宸妃侍中韓瑗中書令來濟言妃嬪有數今列立號不可昭儀乃誣后與母厭勝帝挾前憾實其言將遂廢之長孫无忌

唐書列傳

五

章忠

褚遂良韓瑗及濟瀕死固爭帝猶豫而中書舍人李義府衛尉卿許敬宗素險側狙勢即表請昭儀為后帝意決下詔廢后詔李勣于志寧奉璽綬進昭儀為皇后命羣臣及四夷酋長朝后肅義門內外命婦入謁朝皇后自此始后見宗廟再贈士護至司徒爵周國公論忠孝配食高祖廟母楊再封代國夫人家食魏千戶后乃製外戚誠獻諸朝解釋譏諫於是遂无忌遂良踵死徒寵煥赫然后城寓深痛柔屈不恥以就大事帝謂能奉已故拔公議立之已得志即盜威福施施無憚避帝亦儒昏舉能鉗勒使不得專久稍不平麟德初后召方士郭行真入禁中為蠱祝官人王伏勝發之帝怒因是召西臺侍郎上儀儀指言后專恣失海內望不可承宗廟與帝意不合乃趣使草詔廢之左右馳告后遽從帝自許帝羞縮待之如初猶意其悲且曰是皆上官儀教我后諷許敬宗構儀殺之初元舅大臣佛旨不閑歲屠覆道路目語及儀見誅則政歸房帷天子拱手矣羣臣朝四方奏章皆曰二聖母視朝殿中垂簾

帝與后偶坐生殺賞罰惟所命當其忍斷雖甚愛不少隱也帝晚益病風不支天下事一付后后乃更為太平文治事大集諸儒內禁殿撰定列女傳臣軌百僚新誠樂書等大氏千餘篇因令學士密裁可奏議分宰相權始士護妻相里氏生子元慶元爽又娶楊氏生三女伯嫁賀蘭越石蚤寡封韓國夫人仲即后季嫁郭孝慎前死楊以后故寵日盛徙封榮國始兄子惟良懷運與元慶等遇楊及后禮薄后銜不置及是元慶為宗正少卿元爽少府少監惟良司衛少卿懷運淄州刺史它日夫人置酒酣謂惟良曰若等記疇日事乎今謂何對曰幸以功臣子位朝廷晚緣戚屬進憂而不榮也夫人怒諷后偽為退讓請惟良等外遷無示天下私怨是惟良為始州刺史元慶龍州元爽濠州俄坐事死振州元慶至州憂死韓國出入禁中一女國姝帝皆寵之韓國卒女封魏國夫人欲以備嬪職難於后未決后內忌甚會封泰山惟良懷運以岳牧來集從還京師后毒殺魏國歸罪惟良等盡殺之氏曰蠅以韓國子

唐書列傳

六

章中

敏之奉士護祀初魏國卒敏之入弔帝為慟敏之哭不對后曰兒疑我惡之俄既死楊氏徙鄭衛二國咸亨元年卒追封魯國諡忠烈詔文武九品以上及五等親與外命婦赴弔以王禮葬咸陽給班劍葆仗鼓吹時天下早后偽表求避位不許俄又贈士護太尉兼太子太師太原郡王魯國忠烈夫人為妃上元元年進號天后建言十二事一勸農桑薄賦徭二給復三輔地三息兵以道德化天下四南北中尚禁浮巧五省功費力役六廣言路七杜讒口八王公以降皆習老子九父在為母服齊衰三年十上元前勳官已給告身者無追覈十二京官八品以上益粟入十二百官任事久村高位下者得進階申滯帝皆下詔略施行之蕭妃女義陽宣城公主幽掖廷幾四十不嫁太子弘言于帝后怒酖殺弘帝將下詔遜位于后宰相郝處俊固諫乃止后欲外示寬裕劫人心使歸已即奏言今羣臣納半俸百姓計口錢以贍邊兵恐四方妄商虛實請一罷之詔可儀鳳三年羣臣蕃吏長朝后于光順門即并州建

太原郡王廟帝頭眩不能視侍醫張文仲秦鳴鶴曰風上逆砭頭血可愈后內幸帝殆得自專怒曰是可斬帝體寧刺血處邪醫頓首請命帝曰醫議疾烏可罪且吾眩不可堪聽為之醫一再刺帝曰吾目明矣言未畢后簾中再拜謝曰天賜我師身負綰寶以賜帝崩中宗即位天后稱皇太后遺詔軍國大務聽參決嗣聖元年太后廢帝為廬陵王自臨朝以睿宗即位后坐武成殿帝率羣臣上號冊越三日太后臨軒命禮部尚書攝太尉武承嗣太常卿攝司空王德真冊嗣皇帝自是太后常御紫宸殿施慘紫帳臨朝追贈五世祖後魏散騎常侍克己為魯國公妣裴即其國為夫人高祖齊殷州司馬居常為太尉北平郡王妣劉為王妃曾祖永昌王諮議參軍贈齊州刺史儉為太尉金城郡王妣宋為王妃祖隋東郡丞贈并州刺史大都督華為太尉太原郡王妣趙為王妃皆置園邑戶五十考為太師魏王加實戶滿五千妣為王妃王園邑守戶百時睿宗雖立實囚之而諸武擅命又諡魯國公曰靖裴為靖夫人北平郡王曰恭肅金城郡王曰義康太原郡王曰安成妃從夫諡太后遺冊武成殿使者告五世廟室於是柳州司馬李邕業括蒼令唐之奇臨海丞駱賓王疾太后脅逐天子不勝憤乃募兵殺揚州大都督府長史陳勘之據州欲迎廬陵王衆至十萬楚州司馬李崇福連和盱眙人劉行舉嬰城不肯從勘業攻之不克太后拜行舉游擊將軍擢其弟行實楚州刺史勘業南度江取潤州殺刺史李思文曲阿令尹元貞拒戰死太后詔左玉鈐衛大將軍李孝逸為揚州道行軍大總管率兵三十萬討之戰于高郵前鋒左豹韜果毅成三即為唐之奇所殺又以左鷹揚衛大將軍黑齒常之為江南道行軍大總管并力勘業與三月敗傳首東都三州平始武承嗣請太后立七廟中書令裴炎阻止及勘業之興下炎獄殺之并殺左威衛大將軍程務挺太后方怫恚一日召羣臣廷讓曰朕於天下無負若等知之乎羣臣唯唯太后曰朕輔先帝踰三十年憂勞天下爵位富貴朕所與也天下安佚朕所養也先帝

棄羣臣以社稷為託朕不敢愛身而知愛人今為我首者皆將相何見負之遽且受遺老臣仇戾難制有若裴炎乎世將種能合亡命若徐敬業乎宿將善戰若程務挺乎彼皆人豪不利於朕朕能戮之公等才有過彼蚤為之不然謹以事朕無詒天下笑羣臣頓首不敢仰視曰惟陛下命久之下詔陽若復辟者睿宗揣非情固請臨朝制可乃治銅匱為一室署東曰延恩受于賞自言南曰招諫受時政失得西曰申冤受抑所欲言北曰通玄受識步秘策詔中書門下一官典領太后不惜爵位以籠四方豪桀自為助雖妄男子言有所合輒不次官之至不稱職尋亦發誅不少縱務取實材真賢又畏天下有謀反逆者詔許上變在所給輕傳供五品食送京師即日召見厚餽爵賞歡動之凡言變更不得何詰雖耘夫蕘子必親延見稟之客館敢稽若不送者以所告罪之故上變者徧天下人人屏息無敢議新豐有山因震突出太后以為美祥赦其縣更名慶山荆人俞文俊上言人不和疢瘳生地不和堆阜出今陛下以女主處陽位山變為火非慶也太后怒投嶺外詔毀乾元殿為明堂以浮屠薛懷義為使督作懷義鄴人李馮氏名小寶偉岸淫毒佯狂洛陽市千金公主嬖之主上言小寶可入侍后召與私悅之欲掩迹得通籍出入使視髮為浮屠拜白馬寺主詔與太平公主婿薛紹通昭穆紹父事之給廩馬中官為驢侍雖承嗣三思皆尊事惟謹至是護作士數萬巨木率一章千人乃能引又度明堂後為天堂鴻麗嚴奧次之堂成拜左威衛大將軍梁國公始作崇先廟于西京享武氏承嗣為款洛水石導使為帝遣雍人唐同泰獻之后號為寶圖擢同泰游擊將軍於是汜人又上瑞石太后乃郊上帝謝況自號聖母神皇作神皇圖改寶圖曰天授聖圖號洛水曰永昌水圖所曰聖圖泉勒石洛壇左曰天授聖圖之表改汜水曰廣武時柄去王室大臣重將皆撓不得逞宗室孤外無寄足地於是韓王元嘉等謀舉兵唱天下迎還中宗琅邪王沖越王自先發諸王倉卒無應者遂敗元嘉與魯王靈夔等皆自

殺餘悉坐誅諸王牽連死滅殆盡子孫雖嬰祿亦投嶺南太后身拜洛受圖天子率太子羣臣蠻夷以次列大陳珍禽奇獸貢物園簿壇下禮成去永昌元年享萬象神宮改服袞冕摺大圭執鎮圭睿宗亞獻太子終獻合祭天地五帝百神從以高祖太宗高宗配引魏王士護從配班九條訓百官遂大饗羣臣號士護周忠孝太皇楊忠孝太后以文水墓為章德陵咸陽墓為明義陵太原安成王為周安成王金城郡王為魏義康王北平郡王為趙肅恭王魯國公為太原靖王載初中又享萬象神宮以太穆文德二皇后配皇地祇引周忠孝太后從配作樂而笙②因○風忠肅肅肅十有二文太后自名聖改詔書為制書以周漢為二王後虞夏殷後為三恪除唐屬籍拜薛懷義輔國大將軍封鄂國公令與羣浮屠作大雲經言神皇受命事春官尚書李思文詭言周書武成篇辭有垂拱天下治為受命之符后喜皆班示天下稍圖革命然畏人心不肯附乃陰忍執害肆斬殺怖天下內縱酷吏周興來俊

唐書列傳

九

唐書

臣等數十人為爪吻有不嫌若素疑憚者必危法中之宗姓侯王及它骨體臣將相駢頸就鉢血丹控戶家不能自保太后操益具坐重幃而國命移矣御史傅游藝率關內父老請革命改帝氏為武又脅羣臣固請妄言鳳集上陽宮赤雀見朝堂天子不自安亦請氏武示一尊太后知威柄在己因大赦天下故國號周自稱聖神皇帝旗幟尚赤以皇帝為皇嗣立武氏七廟于神都尊周文王為文皇帝號始祖妣曰文定皇后武王為康皇帝號睿祖妣姜曰康惠皇后太原靖王為成皇帝號嚴祖妣曰成莊皇后趙肅恭王為章敬皇帝號肅祖妣曰章敬皇后魏義康王為昭安皇帝號烈祖妣曰昭安皇后祖周安成王為文穆皇帝號顯祖妣曰文穆皇后考忠孝太皇太后為孝明高皇帝號太祖妣曰孝明高皇后唐廟為享德廟四時祠高祖以下三室餘廢不享至百祀上帝萬象神宮以始祖及考妣配以百神從祀盡王諸武詔并州文水縣為武興比漢豐沛百姓世給復以始祖家為德陵睿祖為高陵嚴祖

為節陵肅祖為簡陵烈祖為靖陵顯祖為永陵章德陵為昊陵明義陵為順陵太后雖春秋高善自塗澤雖左右不悟其衰俄而二齒生下詔改元為長壽明年享神宮自制大樂舞工用九百人以武承嗣為亞獻三思為終獻帝之為皇嗣公卿往往見之會尚方監裴匪躬左衛大將軍阿史那元慶白澗府果毅薛大信監門衛大將軍范雲仙潛謁帝皆嘗斬都市自是公卿不復上謁有上封事言鎮南流人謀反者太后遣攝右臺監察御史萬國俊就按得實即論決國俊至廣州盡召流人矯詔賜自盡皆號哭不服國俊驅之水曲使不得逃一日戮三百餘人乃誣奏流人怨望請悉除之於是太后遣右衛明府兵曹參軍劉光業司刑評事王德壽苑南面監丞鮑思恭尚輦直長王太右武衛兵曹參軍屈貞筠皆攝監察御史分往劍南黔中安南等六道討輯而擢國俊左臺侍御史光業等亦希功于上惟恐殺人之少光業殺者九百人德壽殺七百人其餘亦不減五百人太后又乃知其冤詔六道使所殺

唐書列傳

唐書

者還其家國俊亦相踵而死皆見有物為厲云太后又自加號金輪聖神皇帝置七寶于廷曰金輪寶曰白象寶曰女寶曰馬寶曰珠寶曰主兵寶曰主藏寶曰寶率大朝會則陳之又尊其顯祖為立極文穆皇帝太祖為無上孝明皇帝帝載二年武三思率蕃夷諸酋及耆老請作天樞紀太后功德以黜唐興周制可使納言姚璿護作乃大哀銅鐵合冶之署曰大周萬國頌德天樞置端門外其制若柱度高一百五尺八面而別五尺治鐵象山為之趾負以銅龍石鑿怪獸環之柱頭為雲蓋出大珠高丈圍三之作四蛟度丈二尺以承珠其趾山周百七十尺度二丈無慮用銅鐵二百萬斤乃悉鑄羣臣蕃酋名氏其上薛懷義龍稍長而御醫沈南璆進懷義大望因火明堂太后羞之掩不發懷義愈恨忿快快乃密詔太平公主擇健婦練之殿中命建昌王武攸寧將作大匠宗晉卿率壯士擊殺之以春車載尸還白馬寺懷義負辛昵氣蓋一時出百官上其徒多犯法御史馬思勗劾其姦懷義怒遇諸道命左

右歐之幾死弗敢言默毀犯塞拜新平代逆朔方道大總管提十八將軍兵擊胡宰相李昭德蘇味道至為之長史司馬後獸入禁中陰竄力少年千金為浮屠有逆謀侍御史周矩劾狀請治駭太后曰第出朕將使詣獄矩坐臺少選懷義怒馬道廷直往坐大榻上矩召吏受辭懷義即乘馬去矩以聞太后曰是道人素狂不足治力少年聽窮劾矩悉投放醜裔懷義構矩俄免官太后祀天南郊以文王武王士護與唐高祖並配太后加號天冊金輪聖神皇帝遂封嵩山禪少室冊山之神為帝配為后封壇南有大櫺赦日置雞其秒賜號金雞樹自制升中述志刻石示後改明堂為通天宮鑄九州鼎各位其方列廷中又敏天下黃金作大儀鐘不克久之以崇先廟為崇尊廟禮視太廟旋復崇尊廟為太廟自懷義死張易之昌宗得幸乃置按鶴府有監有丞及主簿錄事等監三品以易之為之太后自見諸武王非天下意前此中宗自房州還復為皇太子恐百歲後為唐宗室躡藉無死所即引諸武及相王太平公主誓明堂生天地為鐵券使藏史館改吳陵署為攀龍臺又視初以按鶴監為天驥府又改奉宸府罷監為令以左右控鶴為奉宸大夫易之復為令神龍元年太后有疾久不平居迎仙院宰相張柬之與崔玄暉等建策請中宗以兵入誅易之昌宗於是羽林將軍李多祚等帥兵自玄武門入斬二張于院左太后聞變而起拒彥範進請傳位太后返卧不復語中宗於是復即位徙太后上陽宮帝率百官詣觀風殿問起居後率十日一詣宮俄朝朔望廢奉宸府官遷東都武氏廟于崇尊廟更號崇恩復唐宗廟諸武王者咸降爵是歲后崩年八十一遺制稱則天大聖皇太后去帝號諡曰則天大聖后附乾陵會武三思蒸草廬人復用事於是大旱祈陵輒雨三思詠帝詔崇恩廟祠如太廟齋即用五品子博士楊孚言太廟諸郎取七品子今崇恩取五品不可帝曰太廟如崇恩可乎孚曰崇恩太廟之私以臣準君則儲以君準臣則惑乃止及韋武黨誅詔則天大聖皇后復號天后廢崇恩廟又陵景雲元

年號大聖天后太平公主奸政請復二陵官又尊后曰天后聖帝俄號聖后太平誅詔黜周孝明皇帝號復為太原郡王后為妃罷吳順等陵開元四年追號則天皇后太常卿姜皎建言則天皇后配高宗廟主題天后聖帝非是請易題為則天皇后武氏制可中宗和思順聖皇后趙氏京兆長安人祖綽武德中戰有功終右領軍將軍父環尚高祖常樂公主帝為英王聘后為妃高宗於公主恩尤隆武后不喜乃幽妃內侍省環自定州刺史駙馬都尉貶括州絕主朝謁隨環之官妃既囚局鍵牢謹日給飼料衛者候其突煙數日不出披戶視之死腐矣環以壽州刺史與主預越王事死神龍元年追諡妃曰恭皇后贈環左衛大將軍中宗崩祿陵事韋庶人不臣不得祔有司加上尊諡以后祔定陵中宗庶人韋氏京兆萬年人祖弘表自觀中曹王府典軍帝在東宮后被選為妃嗣聖初立為皇后俄與帝處房陵母使至帝輒恐欲自殺后止曰禍福何常早晚等死耳無遽及帝復即位后居中宮是時上官昭容與政事方勸暉等將盡誅諸武三思懼乃因昭容入請得幸於后卒謀暉等誅之初帝幽廢與后約一朝見天日不相制至是與三思并御牀博戲帝從旁典籌不為忤三思諷羣臣上后號為順天皇后乃親謁宗廟贈父玄貞上洛郡王左拾遺賈虛已建言非李氏王者盟書共棄之今復國未幾遽私后家且先朝禍鑒未遠其可懼也如今皇后固辭使天下知後宮謙讓不亦善乎不聽神龍三年節愍太子舉兵敗宗楚客率羣臣請加號明聖詔可禁中謬傳有五色雲起后衣笥帝圖以示諸朝因大赦天下賜百官母妻封號太史如葉志忠表上桑條歌十二篇言后當受命曰昔高祖時天下歌桃李太宗時歌秦王破陣高宗歌堂堂天后世歌武媚娘皇帝受命歌英王石州后今受命歌桑條韋蓋后妃之德專尊榮共宗廟事也乃賜志忠第二區綵七百段太常少卿鄭愔因之被樂府楚客又調補闕趙延禧離釋桑條為九十八代帝大喜擢延禧諫議大夫於是昭容以武氏事動后即

表增出母服民以二十三爲丁限五十九免五品而上母妻不繇
夫子封者喪得用鼓吹數改制度陰諸人望稍寵樹親屬封拜之
昭容與母及尚宮賀婁等多受金錢封巫趙隴西夫人出入禁中
執與上官埒繇是墨敕斜封出矣三年帝親郊引后亞獻明年正
月望夜帝與后微服過市仿伴觀覽縱宮女出游皆淫奔不還國
子祭酒葉靜能差暴染常侍馬秦客高醫光祿少卿楊均善章調
皆引入後廷均秦客蒸於后嘗喪免不歷旬輒起帝遇絃議者謹
咎秦客及安樂公主后大懼引所親議計乃以刑部尚書裴談工
部尚書張錫輔政留守東都詔將軍趙承福薛簡以兵五百衛譙
王重福與兄溫定策立溫王重茂爲皇太子列府兵五萬分二營
屯京師然後發喪太子即位是爲煬帝皇太后臨朝溫總內外兵
檢護宮省族弟濯播宗子捷璿璿璿高崇及武延秀分領左右屯
營羽林飛騎萬騎京師大恐傳言且革命播璿入軍中鞭督萬騎
欲立威士怨不爲用俄而臨淄王引兵夜拔玄武門入羽林殺睿
播崇於寢斧關叩太極殿后遁入飛騎營爲亂兵所殺斬延秀安
樂公主分捕諸韋諸武與其支黨悉誅之皇后及安樂首東市翌
日追貶爲庶人葬以一品禮

上官昭容者名婉兒西臺侍郎儀之孫父廷芝與儀死武后時母
鄭太常少卿休遠之姊婉兒始生與母配掖廷天性韶瞻善文章
年十四武后召見有所制作若素構自通天以來內掌詔命操麗
可觀嘗忤旨當誅后惜其才止黥而不殺也然羣臣奏議及天下
事皆與之帝即位大被信任進拜昭容封鄭沛國夫人婉兒通武
三思故詔書推右武氏抑唐家節愍太子不平及舉兵叩肅章門
索婉兒婉兒曰我死當次索皇后大家矣以激怒帝帝與后挾婉
兒登玄武門避之會太子敗乃免婉兒勸帝修大書館增學士貢
引大臣名儒充選數賜宴賦詩君臣賡和婉兒常代帝及后長慈寧
安樂二主衆篇並作而采麗益新又差第羣臣所賦賜金爵故朝
廷靡然成風當時屬辭者大抵雖得靡然所得皆有可觀婉兒力

也鄭卒論節義夫人婉兒請降秩行服詔起爲婕妤俄還昭容帝
即婉兒居穿沼築嚴殿窮飾勝趣即引侍臣宴其所是時左右內職
皆聽出外不何止婉兒與近嬖至皆營外宅衣人機夫爭候門下
肆狎昵因以求劇職要官與崔暹亂遂引知政事湜開商山道未
半因帝遣制虛列其功加甄賞韋后之敗斬關下初鄭方妊夢巨
人昇大稱曰持此稱量天下婉兒生踰月母戲曰稱量者豈爾邪
輒啞然應後內秉機政符其夢意臺中追復昭容諡文始從
母子王昱爲拾遺昱戒曰上往四房陵武氏得志矣卒而中興天
命所在不可幸也三思雖乘鸞天下知必敗今昭容上所信而附
之且滅族鄭以責婉兒不從節愍誅三思果索之始憂懼及韋遣
制即引相王輔政臨淄王兵起被收婉兒以詔草示劉幽求幽求
言之王王不許遂誅開元初哀次其文章詔張說題篇

睿宗肅明順聖皇后劉氏祖德威自有傳儀鳳中帝在藩納爲孺
人俄爲妃生寧王壽昌代國二公主帝即位爲皇后會帝降號皇
嗣復爲妃長壽二年爲戶婢誣與實德妃挾疊道祝詛武后並殺
之宮中葬秘莫知景雲元年追諡肅明皇后

睿宗昭成順聖皇后實氏曾祖抗父孝謀自有傳后婉淑尤循禮
則帝爲相王納爲孺人即位進德妃生玄宗及金仙玉真二公主
與肅明同追諡並招魂葬東都之南肅明曰惠陵后曰靖陵立別
廟曰儀坤以享云帝崩追稱皇太后與肅明附橋陵后以子貴故
先附睿宗室肅明以開元二十年乃得祔廟初太常加諡后曰大
昭成或言法宜引聖具冠諡而曰大昭成非也以單言配之應曰
聖昭若睿成以復言配之應曰大聖昭成聖具昭成又引太穆皇
后始諡穆及高祖崩合帝諡曰太穆追增太穆神皇后文德皇后
始諡文德及太宗崩合諡文德聖皇后又援范曄著漢光烈等爲
比太常謂曄以帝號標后諡是史家記事體婦人非必與夫同也
入廟稱后繫夫在朝稱太繫子文母生號也文王既沒諡也周公
豈以夫從婦乎漢法不可以爲據制曰可天寶八載制詔自太穆

而下六皇后並增上順聖二諡云

玄宗皇后王氏同州下邳人梁冀州刺史神念之裔孫帝為臨淄王聘為妃將清內難預大計先天元年立為皇后久無子而武妃稍有寵后不平顯詆之然撫下素有恩終無背誼者帝密欲廢后以語姜皎皎漏言即死后兄守一懼為求賊勝屠屠明悟教祭北斗取霹靂木刻天地文及帝諱合保之曰後有子與則天比開元十三年事覺帝自臨劾有狀乃制詔有司皇后天命不祐華而不實有無將之心不可以承宗廟母儀天下其廢為庶人賜守一死始后以愛弛不自安承閒泣曰陛下獨不念阿忠脫紫半臂易斗麪為生日湯餅邪帝憫然動容阿忠后呼其父仁皎云縣是久乃廢當時王謹作翠羽帳賦諷帝未幾卒以一品禮葬後宮恩慕之帝亦懷寶應元年追復后號

玄宗貞順皇后武氏恒安王攸止女幼入宮帝即位後得幸時王皇后廢故進冊惠妃其禮秩比皇后初帝在潞趙麗妃以倡幸有

唐書列傳

十五

衛祥

容止善歌舞開元初父兄皆美官及妃進麗妃恩亦弛以十四年卒諡曰和生太子瑛而皇甫德儀生鄂王劉才人生光王皆藩邸之舊後愛薄而妃乃專寵封所生母楊鄭國夫人弟忠國子祭酒信秘書監將遂立皇后御史潘好禮上疏曰禮父母雖不共天春秋子不復讎不子也陛下欲以武氏為后何以見天下士妃再從叔三思也從父延秀也皆干紀亂常天下共疾夫惡木垂蔭志士不息盜泉飛溢廉夫不飲匹夫匹婦尚相擇況天子乎願慎選華族稱神祇之心春秋宋公夏父之會無以妾為夫人齊桓公誓葵丘曰無以妾為妻此聖人明嫡庶之分分定則窺競之心息矣今人間咸言右丞相張說欲取立后功圖復相今太子非惠妃所生而妃有子若一儷宸極則儲位將不安士人所以諫其漸者有以也遂不果立妃生子必秀疑凡二王一主皆不育及生壽王帝命寧王養外邸又生盛王咸宜太華二公主後李林甫以壽王母愛希妃意陷太子鄂光二王皆廢死會妃薨年四十餘贈皇后及諡

葬敬陵

玄宗元獻皇后楊氏華州華陰人曾祖士達為隋納言天授中以武后母黨追封士達為鄭王父知慶太尉帝在東宮后以景雲初入宮為良媛時太平公主忌帝而宮中左右持兩端纖悉必聞媛方娠帝不自安密語侍讀張說曰用事者不欲吾多子奈何命說挾劑以入帝於曲室自煮之夢若有介而文者環鼎三而三煮盡覆以告說說曰天命也乃止生男是為肅宗帝即位為貴嬪其姊節愍太子妃也初肅宗生上云不宜養乃命王皇后舉之后無子撫肅宗如所生後又生寧親公主乃薨說以舊恩故子均得尚寧親肅宗即位至德二載太上皇自蜀詰有司其議尊稱遂上冊諡寶應末封泰陵

玄宗貴妃楊氏隋梁郡通守汪四世孫徙籍蒲州遂為永樂人幼孤養叔父家始為壽王妃開元二十四年武惠妃薨後延無當帝意者或言妃姿質天挺宜充掖廷遂召內禁中異之即為自出妃

唐書列傳

十六

李林甫

意者巧籍女官號太真更為壽王聘韋昭訓女而太真得幸善歌舞遂曉音律且智算驚穎迎意輒悟帝大悅遂專房宴宮中號娘子儀體與皇后等天寶初進冊貴妃追贈父玄琰太尉齊國公權叔玄珪光祿卿宗兄錡鴻臚卿錡侍御史尚太華公主主惠妃所生最見寵遇而劍亦優顯劍國忠也三姊皆美劬帝呼為嬖封韓號秦三國為夫人出入宮掖恩寵聲焰震天下母命婦入班持盈公主等皆讓不敢就位臺省州縣奉請託奔走期會過詔敕四方獻餉結納門若市然建平信成二公主以與妃家忤至追內封物駙馬都尉獨孤明失官它日妃以請還錡第比中仄帝尚不御食皆怒左右高力士欲驗帝意乃白以殿中供帳司農酒餽百餘車送妃所帝即以御膳分賜力士知帝旨是夕請召妃還下鑰安輿坊門馳入妃見帝伏地謝帝釋然撫尉良渥明日諸姨上食樂作帝驟賜左右不可貲由是愈見寵賜諸姨錢歲百萬為脂粉費歸以上柱國門列戟與錡國忠諸姨五家第舍聯亘擬憲宮禁率一

堂費縑千萬見它第有勝者輒壞復造務以環侈相夸謂土木工不息帝所得奇珍及貢獻分賜之使者相銜於道五家如一妃每從游幸乘馬則力士授轡策八充錦繡官及冶珠金玉者大抵千人奉須索奇服秘玩變化若神四方爭爲怪珍入貢動駭耳目於是嶺南節度使張九章廣陵長史王翼以所獻最進九章銀青階擢翼戶部侍郎天下風靡妃嗜荔枝必欲生致之乃置騎傳送走數千里味未變色至京師天寶九載妃復得譴還外第國忠謀於吉溫溫因見帝曰婦人過忤當死然何惜宮中一席廣爲鈇鎖地更使外辱乎帝感動輟食詔中人張韜光賜之妃因韜光謝帝曰妾有罪當萬誅然膚髮外皆上所賜今且死無以報引刀斷一縑髮奏之曰以此留訣帝見駭惋遽召入禮遇如初因又幸秦國及國忠第賜兩家鉅萬國忠既遙領劍南每十月帝幸華清宮五宅車騎皆從家別爲隊隊一色俄五家隊合爛若萬花川谷成錦繡國忠導以劍南旗節遺錮墮寫瑟瑟璣玕狼藉于道香聞數十里十載正月望夜妃家與廣寧王僮騎爭關門鞭撻謹競主墮馬僅得去主見帝泣乃詔殺楊氏收駭駭馬都尉程昌裔官國忠之輔政其息毗尚萬春公主暄尚延和郡主弟鑑尚承榮郡主又詔爲立政立家廟帝自書其碑銘秦國早死故韓號與國忠貴最久而號國素與國忠亂頗爲人知不恥也每入謁並驅道中從監侍姆百餘騎炬蜜如晝觀粃盈里不施幃障時人謂爲雄狐諸王子孫凡婚聘必先因韓號以請輒皆遂至數百千金以謝初安祿山有邊功帝寵之詔與諸姨約爲兄弟而祿山母事妃來朝必宴餞結歡祿山反以誅國忠爲名且指言妃及諸姨罪帝欲以皇太子撫軍因禪位諸楊大懼哭于廷國忠入白妃妃銜塊請死帝意沮乃止及西幸至馬嵬陳玄禮等以天下計誅國忠已死軍不解帝遣力士問故曰禍本尚在帝不得已與妃訣引而去縊路祠下裹尸以紫茵瘞道側年三十八帝至自蜀道過其所使祭之且詔改葬禮部侍郎李揆曰龍武將士以國忠負上速亂爲天下殺之今

唐書列傳

衛祥

后妃列傳上第一

唐書列傳一

十八

葬妃恐反自疑帝乃止密遣中使者具棺槨它葬焉啓瘞故香囊猶在中人以獻帝視之悽感流涕命工親妃於別殿朝夕往必爲顛歎馬嵬之難號國與國忠妻裴柔等奔陳倉縣令率吏追之意以爲賊棄馬走林號國先殺其二子柔曰丐我死即并其女刺殺之乃自剄不殊吏載置于獄問曰國家平賊乎吏曰互有之乃死瘞陳倉東郭外

贊曰或稱武韋亂唐同一轍武持父韋亟滅何哉議者謂否武后自高宗時挾天子威福脅制四海雖逐嗣帝改國號然賞罰已出不假借羣臣僭於上而治於下故能終天年怙亂而不亡韋氏乘夫淫蒸于朝斜封四出政放不一既煬殺帝引睿宗輔政權去手不自知戚地已疎人心相挺玄宗藉其事以撼豪英故取若撥遺不旋踵宗族夷丹執奪而事殘也然二后遺後王戒顧不厚哉

后妃列傳下第二

唐書七十七

端明殿學士兼翰林侍讀學士龍圖閣學士朝請李寺卿書吏部侍郎充集賢館修撰宋和奉

救撰

肅宗廢后庶人張氏鄧州向城人家徙新豐祖母竇昭成皇后女弟也玄宗幼失昭成母視嫺鞠愛篤備帝即位封鄧國夫人親寵無比五息子曰去惑去疑去奢去逸去盈皆顯官去盈尚常芬公主去逸生后肅宗為忠王時納韋元珪女為孺人既建太子以孺人為妃后為良娣妃兄堅為李林甫構死太子懼請與妃絕毀服幽禁中安祿山反陷于賊至德中薨始妃既絕良娣得專侍太子慧中而辯能迎意傳合玄宗幸娣與太子從度渭民鄧道乞留復長安太子不聽中人李輔國密啓娣又替其謀遂定計北趣靈武時軍衛單寡多娣必寢前太子曰暮夜可虞且捍賊非婦人事宜少戒對曰方多事若倉卒妾自當之殿下可徐為計駐靈武產子三日起縫戰士衣太子敕止對曰今豈自養時邪乾元初冊

肅宗列傳二

肅宗

拜淑妃贈其父尚書左僕射姊妹皆封號弟清潛尚太寧延和二郡主遂立為皇后詔內外命婦悉朝光順門后能牢寵稍豫政事與李輔國相助多以私謁撓權親蠶苑中羣命婦相禮儀物甚盛二年羣臣上帝尊號后亦諷羣臣尊己號聖帝問李揆揆爭不可會月蝕帝以咎在後宮乃止又與輔國謀徙上皇西內端午日帝召見山人李唐帝方擁幼女顧唐曰我念之無怪也唐曰太上皇今日亦當念陛下帝泣然涕下而內制於后卒不敢謁西宮帝不豫后自箴血寫佛書以示誠初建寧王倓數短后於帝上皇在蜀以七寶鞍賜后而李必請分以賞戰士倓助必請故后怨卒被諸死繇是太子深畏事后謹甚后猶欲危之然以子召早世而侗幼故太子得無患竇應元年帝大漸后與內官朱輝光等謀立越王係而李輔國程元振以兵衛太子幽后別殿代宗已立羣臣白帝請廢為庶人殺之清潛與舅竇復信皆流放支黨伏誅肅宗章帝皇后吳氏濮州濮陽人父令珪以郾丞坐事死故后幼入

掖廷肅宗在東宮宰相李林甫陰構不測太子內憂賢疑班禿後入謁玄宗見不悅因幸其宮顧廷宇不汙掃樂器塵塵左右無嬪侍帝愀然謂高力士曰兒居處乃爾將軍臣使我知乎詔選京兆良家子五人虞侍太子力士曰京兆料擇人得以藉口不如取掖廷衣冠子可乎詔可得三人而后在中因蒙幸忽寢厭不寤太子問之辭曰夢神降我介而劍使我有入殆不能堪燭至其文尚隱然生代宗為嫡皇孫生之三日帝臨澡之孫體孱弱負姆嫌陋更取他宮兒以進帝視之不樂姆叩頭言非是帝曰非爾所知趣取兒來於是見嫡孫帝大喜向日視之曰福過其父帝還盡留內樂宴具顧力士曰可與太子飲一日見三天子樂哉后性謙柔太子禮之甚隆年十八薨代宗即位羣臣請以后祔肅宗廟乃追尊為皇后上諭合葬建陵啓陵寢宮見澤若生衣皆赭色見者嘆異謂有聖子之符云

肅宗列傳二

肅宗

代宗貞懿皇后獨孤氏失其所人父穎左威衛錄事參軍天寶中帝為廣平王時貴妃楊氏外家貴冠戚里秘書少監崔岫妻韓國夫人以其女為皇孫孫為妃妃生子僖所謂召王者妃倚母家頗驕媚諸楊誅禮廢薄及薨后以妹繼進居常專夜王即位冊貴妃生韓王迥華陽公主大曆十年薨追號為皇后上諭帝悼思不已故殯內殿累年不外葬後三年始詔於都左治陵欲朝夕望見之補闕姚南仲諫而止乃葬莊陵詔宰相常衮為哀冊帝於后厚故送終華廣務備其情哀極道悽婉以中帝意又詔羣臣為挽辭帝擇其尤悲者為歌之初后薨遇第二宮其宗叔卓少府監兄良佐太子中允代宗睿真皇后沈氏吳興人開元末以良家子入東宮太子以賜廣平王實生德宗天寶亂賊囚后東都掖廷王入洛復留宮中時方北討未及歸長安而河南為史思明所沒遂失后所在代宗立以德宗為皇太子詔訪后在亡不能得德宗即位乃先下詔贈后曾祖士衡太保祖介福太傅父易直太師弟易良司空易直子震太

尉一日封拜百二十七人詔制皆錦翠池飾以殿馬負載賜其家
易其妻崔入謁帝易服召王韋美入出拜詔崔勿答建中元年乃
具冊前上皇太后尊號帝供張含元殿具容冕出自左序立東方
羣臣在位帝再拜奉冊欽感咽左右皆泣於是中書舍人高參
上議漢文帝即位遣薄昭迎太后于代今宜用漢故事今有司擇
日分遣諸流州縣物色各訪以述宜皇帝孝思意慕上降休
靈命允恭須審知皇太后行在然後遣大臣備法駕奉迎帝乃以
睦王述為奉迎使工部尚書喬琳副之昇平公主侍起居使者分
行天下故中官高力士女頗能言禁中事與女官李真嘗從后
游李見高疑問之含糊不堅而年狀差似后又后骨削脯哺帝傷
左指高亦嘗剖爪傷指是時宮中無識后者於是迎還上陽宮馳
以聞帝喜羣臣賀力士子知非是具言其情詔貸之帝謂左右
吾寧受百圓莫一得真於是自謂太后者數矣及索驗左真辭窮
終帝世無聞焉貞元七年詔贈外高祖琳為司徒封徐國公為立
五廟以琳為始祖詔族子房為金吾將軍奉其祀憲宗即位有
司建言皇太后沈氏狀代二十有七年大行皇帝至孝哀思罔極
建中時發明詔遣使者奉迎凡舟車所至罔不逮歲推月遷參訪
理絕請因大行皇帝啓殯詔羣臣為皇太后發哀肅章內殿中人
奉廢衣置幄坐宮中朝夕上食告天地宗廟上太皇太后諡冊作
神主附代宗廟備法駕奉梓衣納于元陵祠室詔曰可
德宗昭德皇后王氏本仕家失其譜系帝為魯王時納為嬪生順
宗尤見寵禮既即位冊號淑妃贈其父遇揚州大都督子姓姻出
悉得官貞元三年妃之疾帝念之遂立為皇后冊禮方訖而后朋
羣臣大臨三日帝七日釋服將葬后母鄭國鄭夫人請設奠有詔
祭物無用為欲祭聽之於是宗室王大臣李晟渾瑊等皆祭自發
塗日日奠終發引乃止葬靖陵置冬永如它陵臺立廟奏坤元之
舞敕宰相張延賞柳渾等製樂曲帝嫌文不工李紆上諡冊曰大
行皇后帝又謂不典並詔翰林學士吳通玄改謚冊曰咨后王氏

然議者謂岑文本所上文德皇后冊言皇后長孫氏為得禮永貞
元年改祔崇陵

德宗賢妃韋氏戚里舊族也祖濯尚定安公主初為良娣德宗貞
元四年冊拜賢妃宮壺事無不聽而性敏淑言動皆有繩矩帝寵
重之後宮莫不師其行帝崩自表留奉崇陵園元和四年薨

順宗莊憲皇后王氏琅邪人祖難得有功名於世代宗時后以良
家選入宮為才人順宗在藩帝以才人幼故賜之為王孺人是生
憲宗王在東宮冊為良娣后性仁順宮中化其德莫不柔雅順宗
即位疾已辭頓后侍醫藥不少怠將立后會病棘而止憲宗內禪

尊為太皇太后元和元年乃上尊號曰皇太后后謹畏深抑外家
無豪絲假貸訓厲內職有古后妃風十一年崩年五十四遺令曰
皇太后勅問其位萬物之理必歸於有極未亡人嬰霜露疾日以
衰頓幸終天年得奉陵寢志願獲矣其何所哀易月之典古今所
共皇帝宜三日聽政服二十七日釋天下吏民令到臨三日止宮

中非朝暮臨無輒哭無禁昏嫁祠祀飲食酒肉已釋服聽舉樂侍
醫無加罪陪附如舊制有司上諡葬豐陵

憲宗懿安皇后郭氏汾陽王子儀之孫父曖尚昇平公主實生后
憲宗為廣陵王嫡以為妃順宗以其家有大功烈而母素貴故禮
之異諸婦是生穆宗元和元年進冊貴妃八年羣臣三請立為后

帝以歲子午忌又是時後廷多嬖孽恐后得尊位鉗制不得肆故
章報聞罷穆宗嗣位上尊號皇太后贈曖太尉母齊國大長公主
擢兄劍刑部尚書鉞金吾大將軍后移御興慶宮凡朔望三朝帝

率百官詣宮門為壽或歲時慶問燕饗後宮戚里內外婦人騎駢
壅環佩之聲滿宮帝亦豪矜朝夕供御務華衍侈大稱后意后嘗
幸驪山登覽裴回詔景王督禁甲從帝自到昭應奉迎留帳飲數

日還帝崩中人有為后謀稱制者后怒曰吾效武氏邪今太子雖
幼尚可選重德為輔吾何與外事哉敬宗立號太皇太后寶曆倉
卒后召江王嗣皇帝位是為文宗文宗性謹孝事后有禮凡著果

鮮珍及四方奇奉必先獻宗廟三宮而後御之武宗喜畋游角武
林擇五坊小兒得出入禁中它日問后起居從容請曰如何可爲
盛天子后曰諫臣章疏宜審覽度可用用之有不可以詢宰相母
拒直言勿納偏言以忠良爲腹心此盛天子也帝再拜還索諫章
閱之往往道游獵事自是畋幸稀小兒武林等不復播賜矣宣宗
立於后諸子也而母鄭故侍兒有曩怨帝奉養禮稍薄后鬱鬱
不聊與一二侍人登勤政樓將自隕左右共持之帝聞不喜是夕
后暴崩有司上尊諡葬景陵外園太常官王暉請后合葬景陵以
主祔憲宗室帝不悅令宰相白敕中讓之暉曰后乃憲宗東宮元
妃事順宗爲婦歷五朝母天下不容有異論敕中亦怒周墀又責
謂暉終不撓暉曰暉信孤直賤賤暉句容令懿宗咸通中暉還爲禮
官申抗前論乃詔后主祔于廟

憲宗孝明皇后鄭氏丹陽人或言本朱氏元和初李錡反有相
者言后當生天子錡聞納爲侍人錡誅沒入掖廷侍懿安后憲宗

唐書列傳二

五

華元

幸之生宣宗宣宗爲光王后爲王太妃及即位尊爲皇太后太后
不肯別處故帝奉養大明宮朝夕躬省候焉懿宗立尊后爲太
皇太后咸通三年帝奉后宴三殿命翰林學士侍立結綺樓下六
年崩移仗西內上諡冊葬景陵旁園

穆宗恭僖皇后王氏越州人本仕家子幼得侍帝東宮生劬宗長
慶時冊爲妃敬宗立上尊號爲皇太后后贈后父紹卿司空母張追
封趙國夫人文宗時稱寶曆太后大和五年宰相建白以太皇太
后與寶曆太后稱號未辨前代詔令不敢斥言皆以宮爲稱今寶
曆太后居義安殿且曰義安太后詔可會昌五年崩有司上諡葬

光陵東園

穆宗貞獻皇后蕭氏閩人也穆宗爲建安王后得侍生文宗文宗
立上尊號曰皇太后后初去家入長安不復知家存亡惟記有弟
帝爲訪之俄有男子蕭洪因后姊婿呂璋白見之太后謂得真弟
悲不自勝帝拜洪金吾將軍出爲河陽三城節度使稍徙鄜坊始

節度自神策出者舉軍爲叛裝因三倍取償洪所代未及償而死
軍中併責償於洪洪不許左軍中尉仇士良憾之會聞有男子蕭
本又稱太后弟士良以聞自鄜坊召洪下獄按治洪乃代人詔流
驪州不半道賜死擢本替善大夫寵贈三世帝以爲真不淹旬賜
累鉅萬然太后真弟庸較其能自達本給得某家系士良主之遂
聽不疑歷衛尉卿金吾將軍會福建觀察使唐扶上言泉州男子
蕭弘自言太后弟御史臺奏治非是昭義劉從諫又爲言請與本
辨有詔三司高元裕孫簡崔郾雜問乃皆妄本流愛州弘僭州而
太后終不獲弟初大和中懿安太后居興慶宮寶曆太后居義安
殿后居大內號三宮太后帝每五日問安及歲時慶謁率繇複道
至南內羣臣及命婦詣宮門候起居有司獻四時新物送三宮亦
冊賜帝曰上三宮何可言賜遽索筆減賜爲奉開成中正月望夜
帝御咸泰殿大然鐙作樂迎三宮太后奉觴進壽禮如家人諸王
公主皆得侍武宗時徙積慶殿又號積慶太后大中元年崩上諡

唐書列傳二

六

華元

穆宗宣懿皇后韋氏失其先世穆宗爲太子后得侍生武宗長慶
時冊爲妃武宗立妃已亡追冊爲皇太后上尊諡又封后二女弟
爲夫人有司奏太后陵宜別制號帝乃名所葬園曰福陵既又問
宰相葬從光陵與但祔廟孰安奏言神道安於靜光陵因山爲固
且二十年不可更穿福陵崇築已有所當遂就臣等請奉主祔穆
宗廟便帝乃下詔朕因誕日展禮于太皇太后謂朕曰天子之孝
莫大於承續今穆宗皇帝虛含享之位而宣懿太后實生嗣君當
以祔廟繇是奉后合食穆宗室

尚宮宋若昭貝州清陽人母以儒聞父廷芬能辭章生五女皆警
慧善屬文長若莘次若昭若倫若憲若荀莘昭文尤高皆性素潔
鄙蕪澤靚粧不願歸人欲以學名家家家亦不欲與寒鄉凡裔爲姻
對聽其學若莘誨諸妹如嚴師著女論語十篇大抵準論語以韋
宣文君代孔子曹大家等爲韻冉推明婦道所宜若昭又爲傳申
釋之貞元中昭義節度使李抱真表其于德宗召入禁中試文章